

## Mvù Pôl mé Filemôn

### *Bèh bieé*

<sup>1</sup> Né mè Pôl, mè né ká gwà cibì felè Yeésò \*Kristò; béh òm beèh Timoté nyagá né kòó, béh tema njií né mé wò mbeí seé beèh Filemôn. Temé beèh né yoòr yeè.

<sup>2</sup> Béh né bí bò tie beèh Apiâ bieé. Arsîp mé né sóji Yeésò Kristò faá béh nò, béh né bú bieé ndò. Bíé kéh bò Càṅ bò mé bilí dua yeé Càṅ ké gwò yeè òóṅ ndò.

<sup>3</sup> Càṅ Tele beèh bô Fehtoò beèh Yeésò Kristò a, kúlú bí, bó haá bí òlê.

### *Gwaân lètenè Filemôn bó bò Yeésò bò*

<sup>4</sup> Cu òóṅ, mò mè baá Càṅ dua, mè né yeé bú felè yeé dua, mè né lom bú felè yeé vra dé gècên.

<sup>5</sup> Lòu sam, bó ye mè a, wò né bò Yeésò bò mé temé cén gwaán, wa wò né temé yoòr Fehtoò beèh Yeésò kwaá njií ndò ma, mè né bú vra.

<sup>6</sup> Mè né Càṅ dua, te bilí mé béh bí né ka Yeésò Kristò den bilí hên, yam sòm keéh giì húóm-temé Càṅ mé né yoòr beèh òóṅ bèsónè.

<sup>7</sup> Òm mò, gèh dé mé wò né bò mbaábi gwaán sâ né lom mè yoòr sagár dé gècên, né lom mè yoòr taré huóm dé gècên ndò. Lòu sam, wò sâ bóó nòré né temé bò Càṅ bò.

### *Ju Onesîm*

<sup>8</sup> Mè né wò bɔŋ ndɔ. Mè né mbòn tebê Kristò, à mè terreb jege haá né kɔ́. Mè sé la ye wò a: bó lòm mân bɔ́.

<sup>9</sup> Mé njéh mene, dé bò mbaábi gwaân, kɔ mè bɔŋ wò lòu. Kɔ́ ye né mè Pól, gùm tela kàm dɔ́ŋ. Mè né cu ká gwà cibì felè Yeésò Kristò ndɔ.

<sup>10</sup> Mè wò bɔŋ né kɔ́. Né felè Onesím. Onesím né huaán mò te ceér Yeésò Kristò; mè ká gwà cibì ña baá tele seèn.

<sup>11</sup> Léi toò, à lé njèh gàm beè yeè ná ñgwêh, kènê njèh gàm beè beèh fà dɔ́ŋ faá bú ñɔ sam cuú.

<sup>12</sup> Mè nde né bú ké yoòr yeè temá njiî, mè bú tema njiî né faá mè cua tema njiî né wò temé mò ká lè ñɔ.

<sup>13</sup> Mè sé la ye bú a: Cu mé mè né ká gwà cibì felè Njàgà Bagaà hên, à dèn bèh kwarè mò, te à gam beh mè faá sòn yeè ñɔ.

<sup>14</sup> Mé njéh mene, mè ménâ bó ndé ñgwêh. Sâ dɔ́ŋ mè gwàn ñgwêh dé mé ba wò lòu, te wò bɔ́ ye mè bagaà; huòm kela né mé wò gwaán seér mé be yeè.

<sup>15</sup> Merré déi lé ye bú a: dùlà kwá ló wò ménâ, te à ndeè cu cuú, wò kwa ye bú dé kèi cên.

<sup>16</sup> Mɔ né mân, sâ kènê à faá kwer ñɔ sam cuú, à huòm kela seér cu aá kɔ́ mé kwer. Né nùà yíé-temê beèh beè Yeésò Kristò. Tétég né ká beè mò, à né lom nùà yíé-temê mò dé tueê sam. Mè né kɔ́ ye à nde né ké beè yeè ménâ huóm yɔgó keéh. Lòu sam, kèb déi à né kwer yeè, à baá òm yeè te ceér Nùà Dueè ndɔ.

<sup>17</sup> Sâ mo wò né mè faá mbeí seê yeè weh, siè nyégé bú faá wò sé la sie nyegé naâ mè no.

<sup>18</sup> Mo à lé naâ wò njeré déi boó sabé, wò né bú hùà bele, túé nji kán, mè gwom wò.

<sup>19</sup> Mè wò bèh hên nyagá lom né mé be mò Pôl, ye mè nde gi né wò bò njií sâ gwom ma. Kékòò ye, nyí né mé hùà mò yoòr ndò; mè lé wò ngòr Càṅ feéh naâ kóó, te wò nde ye yòn dé feé kwa.

<sup>20</sup> Mo né mân, sâ kúkùr yeè òm mò, bó sòm yeè mè seé hên mé temé Nùà Dueè lè teèn; bó nóré yeè mè temé lè faá nùà Yeésò Kristò no teèn ndò.

<sup>21</sup> Mè né kóó ye mè baá nyagá hên, wò nde lom né mân boó; wò nde né ménâ boó yóó kéh, mè né gi kwàgà yeè yieé.

<sup>22</sup> Nyégé kwá mè bèh cèrrè déi teèn ndò. Mè né ndèm kwaá ye Càṅ nde né faá bí né bú dua no gwaán, bí nde cu né mè ñené.

### *Bèh ceré*

<sup>23</sup> Epaferâs mé né ká gwà cibì felè Yeésò Kristò faá mè no, ye bíé kéh wò бага.

<sup>24</sup> Bò mbeí seé mò Mârk bô Aristârk mé Demâs bô Lúk ye bíé kéh wò бага ndò.

<sup>25</sup> Húóm-temé Fehtoò beèh Yeésò Kristò a, ká siè gí bí beè.

**Mvù Ngòŋ Feê**  
**Mambilla NT (Cameroon-Le Nouveau Testament en**  
**mambila)**

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

---

PDF generated using Haiola and XeLaTeX on 13 May 2025 from source  
files dated 13 May 2025  
f0e8e7ba-c2cf-57f7-9a60-8ff0e792e158